

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН

ШУӖМ

«Гренада» челядылысь дзоньвидзалун бурмӧдан да найӧс велӧдан шӧринын выль коронавирус инфекцияӧн висьысьясӧс бурдӧдан юкӧнлысь уджсӧ котыртӧм йылысь

Сы могысь, медым ӧлӧдны выль коронавирус инфекция (COVID-19) паськалӧмысь да могмӧдны олысьяслысь санитарной да эпидемиология боксянь бур олӧмсӧ, «Россия Федерацияса субъектыслӧн оланпас пыртысь (бӧрйӧм) да олӧмӧ пӧртысь канму власьт органьяс котыртан ӧтувья принципьяс йылысь» Федеральной оланпас, «Вӧр-ва да техногенной сяма неминучаясысь олысьясӧс да мутасьяс видзӧм йылысь» Федеральной оланпас, «Йӧзлы лектор вӧчны вермысь висьӧмьяс паськалан грӧз дырйи медицина отсӧг сетӧмсӧ котыртан аслыспӧлӧслуньяс йылысь» Россия Федерацияса Воськӧдлан котырлӧн 2020 во сора тӧлысь 2 лунся 973 №-а шуӧм, «2020 воын разрешенияслысь вынсӧ нӧжӧдӧм да разрешенияс сетан уджын мукӧд аслыспӧлӧслун йылысь» Россия Федерацияса Воськӧдлан котырлӧн 2020 во косму тӧлысь 3 лунся 440 №-а шуӧм, «Выль коронавирус инфекцияысь COVID-19 ӧлӧдан мераяс збыльмӧдӧм да сылысь паськалан рискьяссӧ чинтӧм могысь медицина организацияслысь уджсӧ недыр кад кежлӧ котыртан пӧрадок йылысь» Россия Федерацияса йӧзлысь дзоньвидзалун видзан министерстволӧн 2020 во рака тӧлысь 19 лунся 198н №-а тшӧктӧд серти Коми Республикаса Воськӧдлан котыр шуис:

1. Выль коронавирус инфекцияӧн висьысьясӧс бурдӧдӧм могысь Коми Республикаса канму эмбур подув вылын котыртны «Коми республиканской клинической больничка» КР КСЗУ-лысь юкӧн, мый меститчӧма татшӧм инпас серти: Коми Республика, Сыктывдін район, Парчӧг гр., «Гренада» челядылысь дзоньвидзалун бурмӧдан да найӧс велӧдан шӧрин (водзӧ – юкӧн).

2. Коми Республикаса йӧзлысь дзоньвидзалун видзан министерстволы могмӧдны юкӧнлысь уджалӧмсӧ да сійӧс нормативъяс серти видзӧмсӧ.

3. Юкӧн уджалӧмкӧд йитчӧм рӧскодсӧ збыльмӧдӧ Коми Республикаса йӧзлысь дзоньвидзалун видзан министерство.

Юкӧнын медицина отсӧг сетӧмыс могмӧдсьӧ сьӧмӧн Коми Республика мутасын гражданагы медицина отсӧг дон босьттӧг сетан канму гарантияслӧн мутас уджтас серти.

4. Рӧскодсӧ, кутшӧмъяс йитчӧмаӧсь Коми Республикаса канму эмбур видзӧмкӧд, кутшӧмӧс индӧма тайӧ шуӧмлӧн 1 пунктын (сы лыдын коммунальнӧй услугаясысь, мутас видзӧмысь, жыр дзоньталӧмысь рӧскодсӧ мынтӧм, мый йитчӧма юкӧнсӧ уджалӧм кежлӧ дасьтӧмкӧд), збыльмӧдӧ сійӧс баланс вылын кутысь.

5. Вӧзйыны Коми Республикаын пытшкӧс делӧяс министерстволы Россия Федерацияса национальнӧй гвардиялӧн войскаса федеральнӧй службалӧн Коми Республикаын веськӧдланӧнкӧд ӧтув сетны колана отсӧг юкӧнсӧ сутки чӧж видзӧмын.

6. Тайӧ шуӧмыс вынсялӧ сійӧс примитан лунсянь.

Коми Республикаса Веськӧдлан котырӧн

Юрнуӧдысьӧс вежысь –

Коми Республикаса сьӧм овмӧс министр

Г. Рубцова

Сыктывкар

2020 вося йирым тӧлысь 15 лун

515 №